



إعداد:

مساعد ادغام العازمي

وزارة الكهرباء والماء

لحن القصيد



الشعر إحساس يتغنى به الشاعر على لحن الحياة المليئة بالمواقف الاجتماعية منها والغزلية والمديح والوطنية ويترجمها الشاعر بقصيدة مقفاة وموزونة وذات معنى لتصبح قصيدة تحمل طابع الجزالة والابداع، ولكل شاعر لونه الخاص. نرحب بكم ويسعدنا أن نتلقى طلباتكم واستفساراتكم واقتراحاتكم على هذا الايميل:

hwazn@hotmail.com
kalmaat@

رحلة العمر،،،

القدر مكتوب والصبر في مده شحيح
دورة الايام تمضي وتطوي ناسها
ليتني لاضقت ! صدري بسدي مايبيح
واكتم احزان المعاليق جوف اقواسها
وليت مالي باب هم يجيني منه ريح
كل مااقفل باب بقعا تدق اجراسها
ضايق بعيني فضا الدار لو إنّه فسيح
من ثلاث أيام ماهب لي نسناسها
علموا نوارة القلب والوجه المليح
جعلني فدوة كدرها وجرح احساسها
الدموع اللي من عيونها النجل تميح
ماتليق بسلمتها وسحر نعاسها
الجريح يزيد شره ليا شاف الجريح
كن روحي لابتكت تستضيق انفاسها
ودي اخذ من تعبها تعبها واستريح
مابقالي شمس عقب اسدلت خرماسها
الله اللي راد لوكنت اباوقف واطيح
المنيّه من يناطح براسه راسها
إن بلانا الله بها مايصح الا الصحيح
تبشر بروس كبيره تزيل عماسها
علمتني رحلة العمر واليوم القبيح
كيف آقاوم ضيق نفسي وأقوي باسها
أول الرحله مهد وآخر الرحله ضريح
والحظييط اللي لاشاف المصيبه داسها

عبدالله بن مرهب - السعودي

صبح الغلا،،،

يانور صبح الغلا واضح ومتجلي
ماغيرك انسان شوفه يكحل اهدابي
قلعت فيك السنين ولابرد غلي
من شبة العمر لين الشيب غنابي
يامعتق جسمي ويا ساجن كلي
يامريح عيوني ويا محرق اعصابي
ماعاد عندي سعه بالصدر لو ملي
لاشفت عينك من الضيقه تهقوابي
لاصار بك هم تدري ويش يحصلي
الهم يدفع فواتيره على حسابي
وياوسع صدري لاشفت خاطر يهلي
من وسع صدرك علي توسع ثيابي
بكيك من قول ابدعيلك وانا اصلي
هي نقطة الضعف يوم انوخ ركابي
تعال عن سطوة الايام في ظلي
ان ماحضنتك غلال احلق اشنابي

فراج زايد